

საქართველოს რეგიონული განვითარებისა და ინფრასტრუქტურის სამინისტრო საავტომობილო გზების დეპარტამენტი

ქ. თბილისი

15 ივლისი, 2021 წელი

„საქართველოს რეგიონული განვითარებისა და ინფრასტრუქტურის სამინისტროს განმგებლობაში არსებული სახელმწიფო საქვეუწყებო დაწესებულების საქართველოს საავტომობილო გზების დეპარტამენტის სატენდერო და საკონკურსო კომისიების შექმნის შესახებ“ საქართველოს საავტომობილო გზების დეპარტამენტის თავმჯდომარის 2021 წლის 4 ივნისის №156 ბრძანებით შექმნილი სატენდერო კომისიის სხდომის

ოქმი №2

საერთაშორისო მნიშვნელობის (ს-5) თბილისი-ბაკურციხე-ლაგოდეხის (აზერბაიჯანის რესპუბლიკის საზღვარი) საავტომობილო გზის კმ0+310-კმ4+040 მონაკვეთის სამშენებლო სამუშაოების (ლოტი 0 - ვაზიანის შემოსავლელი გზა) სახელმწიფო შესყიდვის ელექტრონული ტენდერი NAT210011558

სატენდერო კომისიის თავმჯდომარე:

1. გიორგი წერეთელი - დეპარტამენტის თავმჯდომარე.

სატენდერო კომისიის წევრები:

2. სალომე წურწუშია - დეპარტამენტის თავმჯდომარის მოადგილე;
3. ლევან კუპატაშვილი - დეპარტამენტის თავმჯდომარის მოადგილე;
4. გიორგი ციხაძე - დეპარტამენტის თავმჯდომარის მოადგილე;
5. პავლე გამყრელიძე - დეპარტამენტის თავმჯდომარის მოადგილე;
6. დავით კალაძე - დეპარტამენტის საპროექტო სამსახურის უფროსი (პირველადი სტრუქტურული ერთეულის ხელმძღვანელი);
7. ავთანდილ კირვალიძე - დეპარტამენტის აფხაზეთისა და აჭარის ავტონომიურ რესპუბლიკებსა და დასავლეთ საქართველოში სახელმწიფო ბიუჯეტით დაფინანსებული პროექტების მართვის სამსახურის უფროსი (პირველადი სტრუქტურული ერთეულის ხელმძღვანელი);
8. ვაჟა ადამია - დეპარტამენტის აღმოსავლეთ საქართველოში სახელმწიფო ბიუჯეტით დაფინანსებული პროექტების მართვის სამსახურის უფროსი (პირველადი სტრუქტურული ერთეულის ხელმძღვანელი).

სატენდერო კომისიის აპარატის წევრები:

1. ნათია ცხოძე - დეპარტამენტის სახელმწიფო შესყიდვების სამსახურის უფროსი (პირველადი სტრუქტურული ერთეულის ხელმძღვანელი);
2. გოჩა მალანია - დეპარტამენტის სახელმწიფო შესყიდვების სამსახურის უფროსის მოადგილე (პირველადი სტრუქტურული ერთეულის ხელმძღვანელის მოადგილე).

დღის წესრიგი:

საერთაშორისო მნიშვნელობის (ს-5) თბილისი-ბაკურციხე-ლაგოდეხის (აზერბაიჯანის რესპუბლიკის საზღვარი) საავტომობილო გზის კმ0+310-კმ4+040 მონაკვეთის სამშენებლო სამუშაოების (ლოტი 0 - ვაზიანის შემოსავლელი გზა) სახელმწიფო შესყიდვის განხორციელების მიზნით გამოცხადებული NAT210011558 ელექტრონული ტენდერის სატენდერო პირობებში ცვლილების შეტანის საკითხის განხილვა.

მოისმინეს:

სატენდერო კომისიის სხდომაზე წარმოდგენილ იქნა საქართველოს საავტომობილო გზების დეპარტამენტის საპროექტო სამსახურის 2021 წლის 15 ივლისის №7438-2 სამსახურებრივი ბარათი, რომლის თანახმად, დეპარტამენტის მიერ გამოცხადებულ NAT210011558 ელექტრონულ ტენდერის ტექნიკური დოკუმენტაციის გადამოწმების შედეგად ხარჯთაღრიცხვის ერთერთი პუნქტის დასახელებაში (უსაფრთხოების ბარიერები) აღმოჩნდა ტექნიკური ხარვეზი, რასთან დაკავშირებით წარმოდგენილია კორექტირებული ხარჯთაღრიცხვა, მოცულობების ცვლილების გარეშე და საგზაო სამოსის კონსტრუქციის ტიპური განივი კვეთის კორექტირებულ ნახაზი.

ზემოაღნიშნულიდან გამომდინარე, საჭიროა NAT210011558 ელექტრონული ტენდერის სატენდერო პირობებში შეტანილ იქნას შესაბამისი ცვლილება და განხორციელდეს მოწოდებული კორექტირებული დოკუმენტების ატვირთვა სახელმწიფო შესყიდვების ერთიან ელექტრონულ სისტემაში.

განიხილეს:

სატენდერო კომისიამ განიხილა აღნიშნული საკითხი და იმის გათვალისწინებით, რომ უზრუნველყოფილ იქნას NAT210011558 ელექტრონულ ტენდერში (აუქციონის გარეშე) სატენდერო დოკუმენტაციის სიზუსტე, აუცილებელია მასში განხორციელდეს ზემოთ აღნიშნული ცვლილება და შესყიდვის ობიექტთან დაკავშირებით წარმოდგენილი კორექტირებული დოკუმენტაცია განთავსდეს სახელმწიფო შესყიდვების ერთიან ელექტრონულ სისტემაში. ასევე, მიზანშეწონილად იქნა მიჩნეული, რომ კონკურენციის გაზრდის უზრუნველყოფის მიზნით, შეიცვალოს სატენდერო დოკუმენტაციის 2.2.1 მუხლის მე-2 პუნქტით განსაზღვრული საანგარიშო პერიოდი და მოიცავდეს წინადადების მიღების დასრულების თარიღის ჩათვლით პერიოდს. ყოველივე ზემოაღნიშნულიდან გამომდინარე, შემსყიდველის მიერ უკვე განხორციელებული ანალოგიური შესყიდვების გამოცდილებისა და სახელმწიფო შესყიდვების ერთიან ელექტრონულ სისტემაში არსებული ინფორმაციის ანალიზის საფუძველზე, მიზანშეწონილია, NAT210011558 ტენდერის სატენდერო დოკუმენტაციის 2.2.1 მუხლის მე-2 პუნქტში განხორციელდეს ცვლილება და ჩამოყალიბდეს შემდეგნაირად: „საანგარიშო პერიოდი მოიცავს: 01.01.2016წ.-დან ტენდერში წინადადებების მიღების დამთავრების თარიღის ჩათვლით პერიოდს.“

სატენდერო კომისია ერთხმად დაეთანხმა ზემოაღნიშნულს.


დაადგინეს:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული ელექტრონული ტენდერის ჩატარების წესის მე-19 მუხლის მოთხოვნების შესაბამისად, წინამდებარე ოქმის განხილვის ნაწილის გათვალისწინებით, განხორციელდეს NAT210011558 ელექტრონულ ტენდერში სატენდერო პირობების ცვლილება და ერთიან ელექტრონულ სისტემაში განთავსდეს საქართველოს საავტომობილო გზების დეპარტამენტის საპროექტო სამსახურის მიერ წარმოდგენილი კორექტირებული დოკუმენტაცია, ასევე, სატენდერო დოკუმენტაციის 2.2.1 მუხლის მე-2 პუნქტში აისახოს საანგარიშო პერიოდის გაზრდასთან დაკავშირებული ცვლილება;

2. დაევალოს სატენდერო კომისიის აპარატს, უზრუნველყოს საერთაშორისო მნიშვნელობის (ს-5) თბილისი-ბაკურციხე-ლაგოდეხის (აზერბაიჯანის რესპუბლიკის საზღვარი) საავტომობილო გზის კმ0+310-კმ4+040 მონაკვეთის სამშენებლო სამუშაოების (ლოტი 0 - ვაზიანის შემოსავლელი გზა) შესყიდვაზე გამოცხადებული NAT210011558 ელექტრონული ტენდერის აუქციონის გარეშე(NAT) სატენდერო პირობებში ცვლილების შეტანა წინამდებარე ოქმის დადგენილებითი ნაწილის 1-ლი პუნქტის შესაბამისად.


სატენდერო კომისიის თავმჯდომარე:

გიორგი წერეთელი



სატენდერო კომისიის წევრები:

სალომე წურჭუმია



ლევან კუპატაშვილი



გიორგი ციხაძე




პავლე გამყრელიძე



დავით კალაძე



ავთანდილ კირვალიძე



ვაჟა ადამია



სატენდერო კომისიის აპარატის წევრები:

ნათია ცხოიძე



გოჩა მალანია

